

律例摘抄

一各處監獄俱分建內外兩處強盜並斬絞重犯俱禁內監軍流以下俱禁外監再另置一室以禁女犯

一各處獄卒於相應慣熟人內點差應役令人代替者笞四十

一獲犯到案並解審發回之時州縣官當堂細加搜檢有無夾帶金刃等物方許進監並嚴禁禁卒不許將磚石樹木銅鐵器皿之類混行取入如有買酒入監者將禁卒嚴行責治

一內外問刑衙門收禁人犯如有禁卒人等私行傳遞或代買鴉片烟與犯人吸食者發極邊烟瘴充軍其奉官解遞看守之犯



恤囚編目錄

律例摘抄

處分則例

監獄事宜

押犯事宜

經驗奇方

東京大學  
東洋文化研究所所藏  
漢籍善本全文影像資料庫

書名 恤囚編一卷  
撰者 清 周馥 輯  
卷 冊一  
內容分類 史-政書-法令-平獄  
索書號 大木-法類-獄訟-提牢-3  
編號 B3882200

[彩色首頁1](#)

[彩色首頁2](#)

[東洋文化研究所漢籍目錄](#) 編號: B3882200

[東洋文化研究所漢籍目錄所藏漢籍善本全文影像資料庫](#) 索書號: 大木-法類-獄訟-提牢-3


[漢籍善本全文影像資料庫](#) 文本 [恤囚編一卷](#)

版權所有: [東京大學](#) [東洋文化研究所](#)

[使用上的注意事項](#)



0<sup>2m</sup> 1 2 3 4 5 6 7 8 9 10







余自戊子歲冬提刑畿輔三年於茲憫小民無知而犯法每以恤囚相告誡按月查核監斃多寡分別有司功過誠重平其事也顧值大暑嚴寒之際報病故者且比比每一聞之無不蹙額得毋經理猶有未善歟夫在獄中者死囚也流徒也要其初皆良民也一旦戴罪在身莫由自主所望察其疾苦恤其飢寒者惟司獄之官吏是賴其在偶犯不韙陷於縲紲者固當待以飽暖而啟其悔過自新之路卽罪干重辟無可原宥亦不可使之飢寒困頓以致不死於法而死於獄況國家每歲秋審斬絞各犯中有緩決者有可矜者有聲敘免勾

者至恭逢

恩赦除十惡謀故外罔不因其情節稍輕而予之以減免是

朝廷於獄囚猶欲多方以生之而官吏顧忽焉不加體恤而致死之問心其何以堪歷觀史傳所載獄吏故事某以仁厚而起家某以殘刻而絕嗣未有不由身以及其子孫者俗吏特未之察也至若越獄脫逃例應加等一誤而麗於法再誤而加以罪罪無可寬情更可憫與其懲之於後曷若防之於先防之即所以恤之也又如兩造爭訟曲直未分暫羈班館禁其出入而書役舞弊不免有凌虐需索情事雖非牢獄其苦

且有甚於牢獄者典吏視非已事而置之不問州縣官更宜加意以防之設法以察之不可稍存疏忽用是首集律例中  
有關監獄各條遵

憲典也又摘採前人成法參以直隸清訟章程酌擬監獄事宜及押犯事宜各若干條補未備也並以經驗藥方附之防未然省刑獄也編錄既竣顏之曰恤囚編願與有獄管獄諸君  
慎守而勉行之是爲序

光緒辛卯六月頭品頂戴直隸按察使司按察使周馥謹識







恤囚編目錄

律例摘抄

處分則例

監獄事宜

押犯事宜

經驗奇方



律例摘抄

一各處監獄俱分建內外兩處強盜並斬絞重犯俱禁內監軍流以下俱禁外監再另置一室以禁女犯

一各處獄卒於相應慣熟人內點差應役令人代替者笞四十

一獲犯到案並解審發回之時州縣官當堂細加搜檢有無夾帶金刃等物方許進監並嚴禁禁卒不許將磚石樹木銅鐵器皿之類混行取入如有買酒入監者將禁卒嚴行責治

一內外問刑衙門收禁人犯如有禁卒人等私行傳遞或代買鴉片烟與犯人吸食者發極邊烟瘴充軍其奉官解遞看守之犯





解役看役人等有犯前項情弊發近邊充軍重者計贓以枉法從重論失察之該管各官交部議處

一在監斬絞人犯如有強橫不法及賭博等事杖一百仍嚴加鎖鑰俟秋審分別定擬知情故縱之禁卒照開局窩賭例杖一百徒三年獄官故為徇隱交部議處軍流等犯有犯亦照此問擬一斬絞人犯如有在監年久自號牢頭串同禁卒捕役挾制同囚嚇詐財物教供誣陷少不遂欲恣意凌虐兇惡顯著者審實即照死罪人犯在監行兇致死人命例依原犯罪名擬以立決其尋常過犯酌量嚴懲示儆

一監犯越獄如獄卒果係依法看守一時疏忽偶致脫逃並無賄縱情弊審有確據者依律減囚罪二等治罪仍給限一百日限內能自捕得准其依律免罪如他人捕獲或囚已死及自首概不准免罪其有將在監斬絞重犯鬆放獄具以致脫逃將鬆放之該禁卒嚴行監禁俟拏獲逃犯之日究明賄縱屬實即照所縱囚罪全科本犯應入秋審情實者亦入情實應絞決者亦擬絞決應斬決以上者亦即擬以斬決如係徇情鬆放獄具或託故擅離或倩人代守防範疏懈乘間潛逃者亦照故縱律與囚同罪至死減一等不准照舊例減囚罪二等問擬



一斬絞重犯如有越獄脫逃將管獄官及有獄官即時題叅按例分別議處不得同軍流等犯越獄按照疏防定限扣叅

一羈禁罪應凌遲斬絞立決監候重犯越獄脫逃將管獄官革職拏問除五日內拏獲革去頂戴改爲革職留任四年無過題請開復四箇月限內拏獲卽行革職免其拏問外如不能拏獲留於地方協緝五年限滿不獲審係禁役賄縱故縱脫逃者發往軍臺効力贖罪若審明禁役並無賄縱故縱情事果係依法看守偶致疏縱脫逃者擬以杖一百徒三年有獄官暫行革職留任俟四箇月限滿不獲仍留任一年督緝如再不獲按其未獲

名數議降議革留於該地方協同接任官緝捕五年限內拏獲題請開復限滿不獲查係禁役賄縱故縱者無論名數多寡概行革職發往軍臺効力贖罪若並無賄縱情弊係降調之員仍照未獲名數分別降革完結係革職之員擬以杖一百徒三年至一案內祇係一名脫逃者有獄官革職留任四箇月限滿不獲仍留任一年督緝如再不獲卽行革任留於該地方協緝五年限內拏獲題請開復限滿不獲審係依法看守偶致疏縱者仍以革職完結係禁役賄縱故縱者擬以杖一百徒三年儻犯被他人捕獲者仍照例科罪至軍流等犯越獄脫逃及斬絞人





犯越獄拏獲案內另有軍流人犯未獲其有獄管獄各官仍照舊例交部分別議處

凡獄囚應禁而不禁應鎖杻而不用鎖杻及脫去者若囚該杖罪笞三十徒罪笞四十流罪笞五十死罪杖六十若應杻而鎖應鎖而杻者各減一等若囚自脫去及司獄官典獄卒私與囚脫去鎖杻者罪亦如之不應禁而禁及不應鎖杻而鎖杻者各杖六十若受財者並計贓以枉法從重論

凡官吏懷挾私仇故禁平人者杖八十因而致死者絞司獄官典獄卒知而不舉首者與同罪至死者減一等不知者不坐

凡獄卒非理凌虐毆傷罪囚者依凡鬪傷論剋減衣糧者計贓以監守自盜論因而致死者絞司獄官典獄卒知而不舉者與同罪至死者減一等有不知坐以不應

一凡官員擅取病呈致死監犯者依謀殺人造意律斬監候獄官禁卒聽從指使下手者依從而加功律絞監候未曾下手者依不加功律杖一百流三千里

一凡獄卒有受罪人仇家賄囑謀死本犯者依謀殺人首從律治罪

一凡問刑衙門不許於獄內用樞牀違者官革職杖一百流三千里





里禁卒杖一百革役

此指獄官知情者而言若官不知情而禁卒私用者則不止滿杖革役也

一凡犯人出監之日司獄細加查問如有禁卒人等凌虐需索者計贓治罪仍追贓給還犯人司獄不行查問事發之日照失察例議處

一凡內外斬絞監候之犯每遇秋審時責令獄官監看薙髮一次軍流人犯每季薙髮一次仍令留頂心一片

凡獄卒以金刃及他物可以自殺及解脫鎖紐之具而與囚者杖一百因而致囚在逃及自傷或傷人者並杖六十徒一年若囚自殺者杖八十徒二年致囚反獄及殺人者絞其囚在逃未斷



之間能自捕得及他人捕得若囚已死及自首者各減一等若常人以可解脫之物與囚人及子孫與在獄之祖父母父母奴婢雇工人與在獄之家長者各減一等若司獄官典知而不舉者與同罪至死者減一等若受財者計贓以枉法從重論若失於檢點防範致囚自盡者獄卒杖六十司獄官典各答五十

按律

內徒一年罪名係指輕罪囚而言若致重罪囚在逃自有主守不覺失囚之律例在非止科徒一年也

徒犯以上婦女犯姦收禁官犯公私罪軍民輕罪老幼廢疾散禁凡司獄官與獄卒教令罪囚反異變亂事情及與傳通言語有所增減罪者以故出入人罪論外人犯者減一等若容縱外人入



獄及走泄事情於囚罪無增減者答五十若受財者並計贓以枉法從重論

一凡書辦皂隸及官員家僕人等有擅自出入監所者司獄禁卒立拏同堂將書隸革役責四十板遞回原籍家人枷號一箇月責四十板家人之主交部議處若不行拘拏被查出者司獄以失察例議處


凡獄囚應請給衣糧醫藥而不請給患病應脫去鎖紐而不脫去應保管出外而不保管應聽家人入視而不聽司獄官典獄卒答五十因而致死者若囚該死罪杖六十流罪杖八十徒罪杖

一百杖罪以下杖六十徒一年

一凡司獄吏目典史專管囚禁如犯人果有冤濫許管獄官據實申明如府州縣不准許卽直申憲司各衙門提訊

一凡牢獄禁繫囚徒年七十以上十五以下廢疾散收輕重不許混雜鎖杻常須洗滌薦薦常須鋪置冬設煖牀夏備涼漿凡在監囚犯日給倉米一升冬給絮衣一件病給醫藥看犯支更禁卒夜給燈油並令於本處有司在官錢糧內支放獄官預期申明關給毋致缺誤有官者犯私罪徒流鎖收杖以下散禁公罪自流以下皆散收





一內外刑獄醫治罪囚各選用醫生二名每遇年底稽考優劣如醫治痊愈者多照例俟六年已滿在內咨授吏目在外咨授典科訓科不能醫治病死多者責革更換

一斬絞重犯及軍流遣犯在監及解審發配俱著顏衣

一差役奉官暫行看押人犯有在押身死者無論有無凌虐均令稟明本管官傳到屍親眼同驗明不得任聽私埋如有私埋情事經屍親控告破案者官為究明致死根由詳請開檢毋庸取具屍親甘結檢明後除訊係差役索詐凌虐致斃者仍照各本律例從重治罪外若止係因病身死即將私埋之差役杖七十

徒一年半控告之屍親訊無挾仇情節仍按誣告各本律分別科斷地方官有任聽私埋及庇護差役不即開檢者交部分別嚴加議處至差役私押斃命之案應令稟請鄰封州縣傳到屍親眼同驗明究辦若有私埋匿報以及一切兇徒挾仇謀財致斃人命私埋滅迹者經屍親告發之後如業將致死根由究問明白毫無疑義而屍傷非檢不明者亦即詳請開檢按例懲辦均毋庸取具屍親甘結

一刑部在監現審人犯除未結各案及監禁待質官常各犯均不准親屬探視外其已結各案許令犯人祖父母父母伯叔兄弟



妻妾子孫一月兩次入視其隨從入視之使役人等不越兩名  
提牢司獄各官定立號簿將某日某案某犯某親屬入監探視  
逐一詳訊登記至各直省司府州縣監獄責成司獄吏目典史  
專管於未經結案並待質監犯嚴禁不許親屬探視其已結各  
案犯屬入監探視亦逐一登記號簿一體嚴密稽查如有奸徒  
捏名入監舞弊卽據實分別拏究叅處其盜犯妻子家口均不  
許放入監門探視違者妻子家口枷號兩箇月責四十板婦女  
照例收贖提牢司獄等官吏叅處

凡婦人犯罪除犯姦及死罪收禁外其餘雜犯責付本夫收管如

無夫者責付有服親屬鄰里保管隨衙聽候不許一概監禁違  
者笞四十若婦人懷孕犯罪應拷決者依上保管皆待產後一  
百日拷決若未產而拷決因而墮胎者官吏減凡鬪傷三等致  
死者杖一百徒三年產限未滿而拷決致死者減一等若孕婦  
犯死罪聽令穩婆入監看視亦聽產後百日乃行刑未產而決  
者杖八十產訖限未滿而決者杖七十其過限不決者杖六十  
失於詳審而死者各減三等

是編專爲獄官獄卒等言之使知所以恤囚防囚之法至各  
犯反獄越獄脫逃應如何加等治罪分載律例者概未登錄





處分則例

一 監獄倘有廢壞立即修理管獄官有獄官如不行親查以致牆

壁傾圮管獄官降一級調用有獄官罰俸一年俱公罪

一 凡應禁人犯一切鋪監使費永行革除如禁卒人等有藉端需

索情事將失察之管獄官照失察書役犯贓例議處知情

故縱者照縱役犯贓例革職私罪

一 各省監獄應給囚糧衣袴醫藥等項州縣官按數支給覈實報

銷如有剋扣冒銷者革職提問私罪係失察刑書剋扣者降一

級調用公罪因而凍餒致斃者革職公罪若係管獄官剋扣冒



銷及失察者照此分別議處

一獄卒凌虐罪囚因而致死管獄有獄官知而不舉革職治罪私

罪不知者管獄官降三級調用有獄官降二級調用俱公如凌

虐未致死係知情故縱者均革職私失於覺察者管獄官降

一級調用有獄官降一級留任俱公自行查出究辦未致死者

免議已致死者仍照例議處

一獄卒聽受賄囑謀死本犯失察之管獄官革職有獄官降三級

調用俱公

一官員於獄內用樞牀者革職治罪私或將犯人拘禁地窖或



以長木將各犯同繫令其不能轉動者均革職私

一官員失察監犯號充牢頭有凌虐罪囚情事者將管獄有獄各

官照獄卒凌虐罪囚例分別議處如僅止私充牢頭並無凌虐

情事者將管獄官照約束不嚴例降一級調用有獄官降一級

留任俱公

一署事官在署事期內有越獄之事照現任官例處分徒罪以下

人犯有病而獄官不即呈報照淹禁者杖六十公罪律罰俸一

年公因而致死者治罪如本犯無病而串通獄官捏稱有病

者將獄官降一級留任私



一 凌遲及斬絞立決人犯在監自盡者管獄官革職有獄官降三級調用斬絞監候人犯自盡者管獄官降三級調用有獄官降二級調用軍流以下人犯自盡者管獄官降一級調用有獄官降一級留任俱公罪因病墜鍊身死之犯照自盡例議處

一 斬絞人犯在獄傷人管獄官降一級調用有獄官罰俸一年軍流遣徒人犯在獄傷人管獄官降一級留任有獄官罰俸九個月笞杖人犯與干連應質之人散寄外監傷人管獄官罰俸一年有獄官罰俸六個月俱公罪其犯人在獄自傷亦照此例議處若因傷致死即均照監犯自盡例議處

一 凡永遠鎖錮之瘋犯在監墜鍊身死管獄有獄各官照軍流以下人犯在監自盡之例議處

一 人犯在監病故訊明並無凌虐情事如係斬絞人犯一案內監

斃一人者管獄官罰俸一個月二人者罰俸三個月三人者罰

俸六個月四人者罰俸九個月五人以上者罰俸一年俱公罪係

軍流人犯一案內監斃一人者管獄官罰俸三個月二人者罰

俸六個月三人者罰俸九個月四人者罰俸一年五人以上者

革職俱公罪係凌遲重犯及徒罪以下人犯一案內監斃一人者

管獄官罰俸六個月二人者罰俸九個月三人者罰俸一年四



人以上者革職

俱公罪

其非一案內人犯仍分案議處

一管獄官將一案內盜犯監斃五人以上者罰俸一年

公罪

其監

斃五名非一案及一案內監斃四名以下者免議

一人犯同時監斃而罪名各異者照罪名分案議處

一犯人帶病進監身故者管獄官免議

一外解及輕罪人犯患病無人保管提禁外監身故者管獄官免議

### 監獄事宜

一收犯時酌量房間大小牀炕寬窄分撥勻稱不准任意多寡常見縣典惜費少用禁卒而禁卒亦希圖省事將犯人擁擠一櫥之內穢氣薰蒸易染時疫且恐滋事大約每房一間至多不過五六人可以安睡少惹疾病並免他虞

一監屋多有穢氣雖日間放封後各犯多在籠屋外坐歇而籠屋牆頂上應開窗眼一二個以便出穢氣收清氣櫥上及四面務須粗木嵌釘堅固再釘竹板以免疏失櫥下滿鋪地板板下空數寸或一尺以免溼氣上蒸櫥內無床地板卽是臥板萬不可



省費聽犯人睡在溼地之上

一櫳內臥板上冬寒時須鋪軟草上加大被夏熱不用草而用蓆隔三五日將板洗擦一次

一夏月天氣炎熱須責成禁卒及更夫人等將各屋各牀每日打掃潔淨多備開水及棗豆湯若飲涼水易致疾病並時以蒼朮柏枝燒薰之可以避瘟氣並將頂棚及牆縫牀角各用厚紙裱糊數層以防臭蟲至冬月大寒尤須將監屋裱糊完固燒柴炭火以禦寒氣不可用煤爐鐵條致釀事端仍須格外小心火燭違者重責

一櫳外須有閒房可避風雨令犯人日間行坐其房務須冬溫夏涼若門窻向北冬則關閉院內須橫排大木料二三根以便犯人閒坐切不可用磚石砌作桌橙恐犯人短見借作凶器

一例給囚衣大約單薄冬寒亦無綿被有獄管獄各官或出已貲或勸捐集款另製厚寔綿衣若干件於冬月擇無衣犯人散之綿被如能足用自應通發如被少人多可擇年老及有病者予之遇帶木杻之犯另給粗布纏腳護其皮肉嘗見冬令帶木杻者兩足腫爛日久瀾斷如槌雖瘡愈亦難久活當設法預防之一監內如有患病之犯須責令禁卒加意照料或屬同監年老人



犯用心扶持凡醫藥飲食毋致缺少不時進屋察看如調理痊愈分別給賞如係瘟病或疥瘡重者務另移空屋以杜傳染  
一州縣於監犯多有發給口糧令其自行煮食者務須隨時嚴查禁役勿令剋扣並勿以糙米陳朽米予之俾監犯不致因飢而病自少瘵斃

一監內每日散飯時須察其生熟涼熱均勻輪放毋得隨意增減倘有諸不如法并任意多與少與至有不得食者務將禁卒責革

一親老下單者不准充當禁卒妨其犯事留養不足示儆



一禁卒內有年力已衰及尙未成丁或患病輦贖帶有殘疾者每月點卯時查出卽行更換

一在監內外當差各役如寔有事故及患病者須稟明給假並擬定何人替代方准出監此外不得託故誤差違者重責

一命盜重案人犯於未經審明定案時須隔別收管不准同屋見面致令串供舞弊

一監犯內有彼此口角挾有嫌隙者該禁卒回明獄官將二犯調開另住倘禁卒有心徇隱卽行責革

一禁役更夫各有防衛巡查之責所關匪細如用老弱乞丐者充



數必致債事各屬務須多出工食雇募年力精壯之人充役並不准逐日更換庶事有責成力能防範自不至有疏失

一禁卒更夫各須認真巡邏獄官無論風雨每日必到監收封仍隨時前往稽查倘禁卒更夫任意睡歇梆鑼不響及乘間出外私倩他人替代者分別責革

一遇大風雨之期開封不可早收封不可遲倘日間猝遇風雨即將各犯逐一點進不准在院散亂坐歇夜間尤須加意巡防如禁卒偷懶避入已屋不出者重責

一例載已定罪名人犯於每月初二十六日許該親屬入監探視係屬法外之仁須回明獄官酌度情形辦理果係探視無碍卽照例放入令到別屋說話不准需索銀錢並不准於例定探視日期之外常川進獄其未經結案及盜案各犯概不得令其親屬入監看視致滋假冒影射教供翻案等弊

一盜犯既不准親屬探視以防教供等弊惟禁卒及同監人犯亦難免教供全在獄官認真稽查尤在印官於人犯到案時不憚煩瑣將供逐細審定如盜案人犯詰其何時在何處糾謀何處藏身何人起意同夥某某係何籍貫何時在何處會齊各持何械何時至事主門首如何進入事主住房是何方向內屋若干



何屋何向何屋陳設何件何人進何屋搜劫何人在何處把風  
贓物是何名色從何方逃逸在何處住宿何地分贓何人分得  
何物如何銷售或藏何處一一訊取確供方行收禁即使日後  
偶有翻易覆訊既有把握用刑亦無疑慮寔於公事大有裨益  
一獄中另存清冊一本將各犯花名分別開列如秋審人犯載明  
已入緩決幾次遇有查辦減等之年即可按冊稽查不致遲延  
遺漏其待質監犯及瘋病各犯均有年限可考一至限滿隨即  
稟知及早發落開釋不至稽延日久亦清理囹圄之一法  
一各犯有寔病而禁役不告者有未嘗病而捏告者大約窮苦之

犯有病不問迨病重將死始告明解脫鎖鑄若犯人有貲時常  
分潤則令其詐病巧爲敷說免其常帶刑具故凡囚之越獄脫  
逃者失於故縱者居多要皆獄官不時躬親之故至於駕馭禁  
卒尤須恩威兼濟使其畏服明幹之吏且能籠絡犯人使爲耳  
目安有越獄脫逃之事管獄者能將患病犯人處置妥當亦思  
過半矣

一禁卒牢頭之惡詈人毆人固不待言每剝囚衣奪囚食刻扣囚  
糧而已反賣飯放債加倍漁利甚至開賭抽頭收押衣物取利  
或犯人託其買物賣物無不從中侵扣務須嚴加查察



一 女監除放飯提審須將柵門開鎖外餘俱竟日關鎖不准閒人窺探其書役人等尤不准無事擅入違者重懲

一 例載婦女非寔犯死罪承審官拘提錄供卽交親屬保領聽候發落不得一概羈禁其寔犯罪應收禁女監者如該犯婦生有幼小子女必須乳哺者應詳請一併帶入

一 人犯進監時須將年貌箕斗查驗真切填註簿內以備稽考提禁發配時查填年貌箕斗尤不可忽應刺字者更勿遺漏並須深刺勿得模糊遇他州縣發配人犯過路寄監亦須驗明有無刺字及查對年貌箕斗於簿內一一填註







書名 恤囚編一卷  
 撰者 清 周馥 輯  
 卷 冊二  
 內容分類 史-政書-法令-平獄  
 索書號 大木-法類-獄訟-提牢-3  
 編號 B3882200



[彩色首頁1](#)  
[彩色首頁2](#)

東洋文化研究所漢籍目錄 編號: B3882200  
 東洋文化研究所漢籍目錄所藏漢籍善本全文影像資料庫 索書號: 大木-法  
 類-獄訟-提牢-3  
 漢籍善本全文影像資料庫文本恤囚編一卷  
 版權所有: 東京大學 東洋文化研究所  
 使用上的注意事項

律例摘抄

一各處監獄俱分建內外兩處強盜並斬絞重犯俱禁內監軍流  
 以下俱禁外監再另置一室以禁女犯

一各處獄卒於相應慣熟人內點差應役令人代替者笞四十

一各處案並解審發回之時州縣官當堂細加搜檢有無夾帶

一各處物方許進監並嚴禁禁卒不許將磚石樹木銅鐵器皿

一各處行取入如有買酒入監者將禁卒嚴行責治

一各處刑衙門收禁人犯如有禁卒人等私行傳遞或代買鴉

一各處犯人吸食者發極邊烟瘴充軍其奉官解遞看守之犯



恤囚編  
 律例摘抄



2m 1 2 3 4 5 6 7 8 9 10



押犯事宜

一直隸各屬衙門大半無班房遇有詞訟內應行收押者卽令差役帶往自行開設之店房謂之押官店每每肆意需索不滿其慾不止原告被告每一人派看役二人再加親友之探望訟師之照管是押一人卽有三四人往來其房飯錢加倍折算動需數十百千不等大爲閭閻之累地方官應會同本地紳衿籌款酌修快皂等各班房舍以爲待質公所凡應押人犯分班收管水火皆備飲食自由寔屬便民要務勿以例禁班館疑之一州縣班館必須設在衙署左近庶私押易於稽查免生弊端



一直隸各州縣內有收押竊賊數十名者獲案後不問是否曾有  
爲匪寔據一概羈押曰俟其改過保釋也有收押詞訟各案人  
犯十餘名案結不釋者曰消其暴氣也要知管押之名律所不  
載不得已而用之可以濟法之窮若動輒管押經旬累月儼同  
獄囚如係猾賊反滋教唆誣扳等弊卽詞訟各犯亦徒供差役  
需索無可申訴甚至有逼迫難堪因而輕生自盡者嗣後訊無  
爲匪寔據之犯應立即開釋屢竊不悛之賊犯卽照積匪猾賊  
例酌量懲辦其餘情節不重辦無可辦及寔係刁狡凶暴應行  
暫押者須立簿備查定期開釋不得逾舊章兩月之限其凶惡

棍徒稟經核准管押者仍遵稟定年限辦理須時常察核該差  
役等有無凌辱訛索情弊

一詞訟案內嘗有私押私鎖等弊山野愚民本畏官差如狼虎彼  
其鬼蜮伎倆又假託官令以相唬嚇故原告到案先用甘詞危  
語以誘其財迨傳到被告不問過堂與否遽行收押押之無錢  
加以鎖繫鎖之無錢則百般窘辱使之萬不能堪不得不傾家  
破產以奉之此差役索錢之慣技也以上二條均非吏典所能  
過問全在賢牧令隨時細心訪察詰其何日到案有犯從重懲  
戒尤妙在控案核其道路遠近勒限傳人隨到隨審速結速釋



使之無暇勒索其弊不禁而除

一出票傳人票內未經標明拘鎖字樣差役擅用鎖者卽爲私鎖  
迨將人証傳到未及過堂審問輒先管押班內不令出入者卽  
爲私押一經本人喊稟或本管官自行查出須從重懲辦勿稍  
寬貸

一尋常詞訟只許取保候訊不准輕押其不得已而收押者仍遵  
照舊章製造粉牌一面懸掛頭門之外將在押人犯姓名逐一  
開載並註明某月某日因某案管押俾衆周知倘有差役私押  
情弊准本人與該家屬隨時喊稟究辦

一押犯無例給口糧有力者尙能自食在窮苦無家之人僅賴本  
官捐發飯食層層剋扣斷難饜飽甚有官不過問聽差役供給  
飯食者其弊更大迨至餓斃無非捏報病故或垂死保出置之  
不問造孽實非淺鮮嗣後押犯口糧由官從優給發並嚴查剋  
扣等弊遇冬夏兩季尤須與監犯一律矜恤所費財力有限而  
於公有益積德無量良有司當不河漢斯言

一婦女除犯姦盜不孝及人命重案外其餘雜犯罪名皆准收贖  
其實發的決者少所以養其廉恥也此項女犯並因案牽連皆  
應取保聽傳不得輕易收押如有藉端收押濫發官媒致有勒



令賣姦情事從重痛懲

一出京自良鄉起至望都止謂之京八站或稱緊八站舊聞解審發配人犯經過其境者其禁役人等必分外訛索並扣留衣物絲毫不得帶去人皆視爲畏途往往有免罪開釋回籍之犯到此反脫逃者前曾通飭各屬查辦現在此風仍未盡絕各該管官須嚴查重懲以除積弊他屬有類此者一律查禁

跌打損傷經驗奇方

回生第一仙丹

凡跌傷打傷刀傷銃傷割喉縊死驚死溺死等症雖遍體重傷死已數日只要身體稍軟用此丹灌服少刻卽有微氣再服一次卽活大便如下紫血更妙惟身體僵硬者難救若牙關緊閉打開一齒灌之屢試屢效施藥傳方造福無量

活土驚虫

瓦上焙乾研細淨末五錢

一名地驚又名簸箕虫形扁不能飛色黑而亮背有橫楞前窄後寬大如

大指頭者佳小者功緩雄者更好用刀截爲兩節放地上以碗蓋住過夜其虫自接而活方是雄的隨處皆有多生米店有糠之處或倉底灶脚及麵鋪油榨坊總在鬆土內尋覓活的去足放新瓦上小火焙黃研極細死的便不效



自然銅製研淨末三錢 用古銅錢放瓦上木炭火內燒紅入好醋內

親手自製藥店製多不透便不效

真乳香炒研淨末二錢 以形如乳頭黃色如膠者為真不真則不效

研細吹去燈草只用淨末 每一兩用燈草二錢五分同炒枯與燈草同

真陳血竭飛淨二錢 真硃砂飛淨二錢 巴豆淨末二錢 去壳研細用紙

要淨 包壓數次去油

真麝香三分要當門子

以上各藥揀選明淨同研極細稱準收入小口磁瓶用黃蠟封  
口萬勿令洩氣大人每用一分五釐小兒七釐黃酒冲服活後

須避風調養若心腹疼痛乃瘀血未淨照後白糖飲服之自愈

### 玉真散

凡跌打損傷已破口者無論傷口大小不省人事或傷口潰爛

進風口眼喎斜手足扯動只要心口微温用此藥敷傷口如膿多者

用温茶避風 洗淨再敷 另用熱酒冲服三錢不飲酒者滾水冲服亦可此

藥大能起死回生不用忌口功在七釐鉄扇諸方之上惟嘔吐

者難治

明天麻 羌活 防風 生南星姜汁炒 白芷以上各一兩 白附

子十二兩





以上各藥揀選明淨同研細末裝入小口磁瓶用黃蠟封固以防洩氣如潰爛不收口者加用熟石膏二錢黃丹三分共研極細敷之

### 七釐散

上硃砂

水飛淨一錢二分

眞麝香一分二釐

梅花冰片一分二釐

乳香

沒藥

各一錢五分

瓜兒血竭一兩

粉口兒茶二錢四分

以上各藥於五月五日午時共研細末磁瓶收貯以蠟封口遇有金瘡跌打損傷骨斷筋折血流不止者先以藥七釐燒酒沖服再用藥以燒酒調敷

### 又刀瘡藥

取古城或廢壙中千年石灰碾細末再取連根韭菜搗取汁和之團作小餅置簷下風乾勿令見日凡破傷處研餅摻之即平復屢試皆效

### 當歸湯

凡跌打損傷未破口者善能散瘀活血雖已氣絕打開一牙灌之亦活

當歸

澤泄各五錢

川芎

紅花

桃仁

丹皮

各三錢

好蘇

木二錢



酒水各一碗煎六分溫服如係頭傷加藁本一錢手傷加桂枝一錢腰傷加杜仲一錢脇傷加白芥子一錢白糖飲

凡跌打損傷如已氣絕牙關緊閉先用半夏末在兩腮邊擦之牙關自開或用生半夏研末水調如黃豆大塞鼻孔立能蘇醒醒後鼻痛用老姜汁擦之則不痛也急用熱酒冲白沙糖二三兩灌入不飲酒者開水冲服亦可愈多愈妙無論受傷輕重可免瘀血攻心至穩至靈切勿輕視

被毆傷風方

荆芥 黃蜡 魚鰓炒黃色各五錢 艾葉三片

以上各藥用水一碗無灰酒一碗煮一炷香熱飲之汗出即愈惟愈後百日內不得食鷄肉耳 凡被毆後傷風致死者如在保辜限內於法仍應擬抵地方官平日修合諸藥遇驗傷時施用能活一命便救二命寔功德無量也

割頸斷喉方

急宜早救遲則額冷氣絕乘初割時輕輕扶住仰睡將頭墊起台攏刀口將血拭去急殺大雄雞一隻快手速去其毛生剝雞皮乘熱貼傷口內服玉真散每日三錢以愈爲度愈後鷄皮自



落

截傷腸出方

用好醋煮熟洗之不可太熱亦不可冷隨洗隨入或口含冷水噴面數次令受傷人避冷吸氣腸即漸漸收入俟全入後急用活剝鷄皮乘熱貼之再日服玉真散自愈

又方

用小麥五升水九升煎四升綿濾淨汁待極冷令病人卧席上一人含汁噴其背則腸漸入噴時勿令病人知之勿令多人在旁言語如仍未入拾席四角輕搖則自入既入後急用麻油潤

線縫緊並以潤帛紮束慎勿驚動致瘡口復逆此方見洗冤錄

接骨方

杉木炭研極細末如無炭即用杉木燒枯亦可用白沙糖蒸極融化將炭末和勻攤紙上乘熱貼之無論破骨傷筋斷指折足數日可愈屢效勿輕視忌食生冷發物

又方

古銅錢不拘數目燒紅淬入好醋內再燒再淬連製七次研末用酒冲服二錢傷大者服三錢其骨自接無古錢即新銅錢亦可不如古錢之妙





又方

當歸 七錢五分

川芎 五錢

乳香 各二錢五分

木香 一錢

川烏 四錢五分

黃香 六兩

骨碎補 五錢

古銅錢 製研末三錢

以上各藥共為細末入香油一兩五錢調成膏藥貼患處雖骨碎筋斷能續神效

又方

五加皮 四兩

小雄鷄 一隻去毛連骨不去血不沾水

同搗極爛敷斷處骨即

發響至不響即將藥刮去遲則多生骨矣

又方



取路旁牆根來往人小便處日久碎瓦片洗淨燒紅淬入好醋內再燒再淬連製五次刀刮細末每服三錢好酒下雖骨折筋斷痛不可忍者亦極神效

跌打青腫方

整塊生大黃用生姜汁磨融敷之一夜紫者變黑黑者即白矣一日一換其效如神或用生半夏末水調敷一夜即消

止血方

瘦猪肉切厚片貼之不論傷口大小血流不止者皆神效或用猪皮亦可



又方

穿山甲一片炒枯研末候冷敷上亦效

手指砍斷方

將指接上用老姜嚼融敷之外用舊棉或蠶繭包縛牢固數日即愈神效

打傷眼睛方

凡眼睛打傷或跌碰傷及火爆傷用老倭瓜瓢搗爛厚敷外用布包好勿動漸即腫消痛定如瞳人未破仍能視也有鮮地黃處亦可用

又方

生猪肉一片以當歸赤石脂二味研末摻肉上貼之拔出瘀血眼即無恙

刑杖傷方

血竭一錢

輕粉

黃丹

各二錢

白礬

一錢

共爲末摻上忍痛一時次日其肉四圍生起兩日即平杖傷久爛不愈用此最效或用跌打損傷諸方治之亦可並於受傷後先飲童便一碗或照前白糖飲服之以免瘀血攻心

瘟疫諸方



姜糖飲

黃沙糖 一杯 生姜汁 一杯 用白滾水一大杯調勻乘熱急

服蓋被出汗即愈四時瘟疫皆治

除瘟救苦丹

專治一切瘟疫時症並傷寒感冒無論已傳經未傳經大人一丸小兒半丸涼水調服出汗即愈重者連服二丸服藥後未汗忌食熱湯熱物汗後不忌此丹寒熱並用功效極奇

麻黃 乾姜 明天麻 萊豆 研粉 松蘿茶 各一兩 生甘

草 明雄黃 亮硃砂 各八錢 生大黃 二兩

以上各藥共為細末煉密為丸如彈子大


雷擊散

專治瘟疫及忽然腹痛手足厥逆面色青黑並上吐下瀉霍亂硃砂症以及一切痧症皆治乾隆元年貴州省瘟疫盛行忽於丹平山石壁上雷火擊出此方活人無數後江南各省軟腳瘟盛行亦照此方治之神效

牙皂 北細辛 各三錢半 硃砂 明雄 各二錢半 藿香 二錢 枯礬

白芷 各一錢 桔梗 防風 木香 貫仲 陳皮 蘇薄荷

法半夏 甘草 各二錢





以上諸藥共研細末收貯磁瓶勿令洩氣凡遇急症用二三分吹入鼻中再用二錢姜湯沖服安臥片時汗出即愈

治瘧疾方

廣陳皮 陳半夏姜汁煮透 白茯苓 威靈仙各一錢 蒼朮米泔水浸  
一日切炒 真川樸姜汁炒 柴胡 黃芩各八分 青皮 檳榔各六分  
炙草三分

生姜三片井水河水各一鍾煎八分飢時服如頭痛加白芷一錢此方平胃消痰理氣除濕有疏導開先之功病輕者二服即愈若三服病勢雖減而不全愈用第二方少則三服多則五服



生首烏三錢 陳皮 柴胡 白茯苓 黃芩各八分 白朮炒  
當歸 威靈仙各一錢 知母 鱉甲醋炙酥研粉各二錢 炙草三分  
生姜三片井水河水各一鍾煎八分加無灰酒五分再煎一滾空心服此方妙在補瀉互用虛寔得宜不用人參黃芪及常山草菓等味平平無奇寔有神效加減一二即不靈應

治痢疾初起方

凡治痢疾須忌溫補忌大下忌發汗忌分利小便或言各方俱有黃連一味胃弱者須斟酌用之凡婦人有胎者須去桃仁紅花檳榔等味





川黃連去爐 條黃芩 生白芍 山查肉各一錢 陳枳壳

去穰 紫厚樸去皮姜汁拌炒 堅檳榔 青皮去穰各八分 當歸 甘

草 地榆各五分 紅花三分 桃仁去皮尖研粉一錢 南木香三分磨兌

水二碗煎一碗空心服此方或紅或白裏急後重身熱腹痛俱

治如單白者去地榆桃仁加橘紅四分病在十日以內皆效若

至半月外則當加減矣另詳於左

痢疾加減方

川連 條芩 白芍酒炒各六分 山查肉一錢 橘紅 青皮

檳榔 地榆各四分 甘草三分 當歸五分 桃仁粉六分

紅花三分 木香磨兌二分

水二碗煎一碗空心服如延至月餘覺脾胃弱而虛涓者法當

補理具方於左

補理煎方

川連 條芩各酒炒六分 白芍酒炒四分 橘紅六分 全當歸八

參無則高麗參好党參均可 白朮土炒 炙草各五分

水煎空心服以上三方隨用輒效其不效者必初時投參朮等

補劑太早以致誤事

救吞鴉片煙毒方



凡服鴉片煙者輕則心中發燥急用活鴨血或鴿血或用廣東木棉燒灰存性調涼水多多灌之吐出鴉片卽愈或用白礬雄黃研末清水調灌亦效若服多毒重則身冷氣絕似乎已死若肢體柔軟則腑臟筋絡之氣尙在流通寔未死也乃鴉片烈性醉迷迷故耳急將其人放在潮溼陰地用竹篾撬開牙齒再以篾一枝橫放口內令口常開以冷水頻頻灌之有金汁灌之更妙外以冷水浸透帕巾二三條不住在胸前磨盪輪流更換又用冷水一盆將頭髮散放水盆內漂之切不可見太陽一被日照卽不可救三四日後鴉片氣退卽活但身不僵硬不變色七

日內勿遽棺殮此法曾救多人切忌服醬油恐受鹽滷之毒反致誤事亦不可襍亂服藥慎之慎之活後多服白糖水及生菜

豆湯最好

又生甘草

一用涼水調  
兩灌立解

### 救縊死方

凡縊從早至夜雖身冷亦可救從夜至早稍難若心下微溫一日以上猶可救慎勿割斷繩索須緩緩抱定解下安放平坦處所仰面朝上頭要扶正先將手足慢慢曲彎再將大小便用綿軟物裏緊勿令洩氣用一人坐於頭前兩腳踏其肩緊揪頭髮並將縊人之手拉直令喉項通順再用二人將筆筒或葦筒在





耳內不住口吹氣不住手撫摸其胸前用活鷄冠血滴入喉鼻  
中男左女右男用公鷄女用母鷄刻下卽能甦活如氣絕時久  
照前救法務要多吹多摸萬勿忽略不救

避臭蟲方

將門窗關閉無縫用宣木瓜燒薰極效

又方

用硫磺數錢爲末和棉花子燒煙薰之三次卽去

破罪囚邪術避刑方

黃紙上用硃砂水印二顆

先將印用皂角水洗淨

一貼囚背上一貼囚心

口再用菜豆煎水與服卽破神效或於夜靜時忽然提訊猝不  
及防亦可破也





今神君降之觀視各道外可

一 禮樂之制也

之制也禮樂之制今日之禮樂也禮樂之制也禮樂之制也

之制也禮樂之制今日之禮樂也禮樂之制也禮樂之制也

一 禮樂之制也

之制也禮樂之制今日之禮樂也禮樂之制也禮樂之制也

之制也禮樂之制今日之禮樂也禮樂之制也禮樂之制也

之制也禮樂之制今日之禮樂也禮樂之制也禮樂之制也

之制也禮樂之制今日之禮樂也禮樂之制也禮樂之制也

之制也禮樂之制今日之禮樂也禮樂之制也禮樂之制也



所  
圖  
書  
印

